

GILBERTI PRÆFATIO IN SUAM HOMILIARUM COLLECTIONEM.

(D. GILES, *Epist. Gilb. Foliot*, ep. 329.)

Habes, frater, quod optasti, quod pulsanti jam diutius charitas ultra negare non potuit. Intus enim positus, avocatos ab his quæ foris sunt sensus meos ne quibusdam forte distraherentur illecebris, cum intra mentis cubile, clauso quidem ostio, quiete placida confoverem, te subito pulsantem soris et aliquid postulantem adverti. Petebas autem aliquem de Scriptura sacra commodari tibi panem: quem amico qui de via venerat ad te, avocato scilicet ab exterioribus animo tuo, hospitali gratia in refectione condigne apponeres. Qua in re si vere supplicantis agebas affectum, potius quid porrige-rem attendere, quam mæ circa te liberalitati legem constituere debuisti. Nunc vero non quæ sunt vires mæ considerans, tuo potius arbitrio quid tibi dari volueris elegisti. In illud enim quod in beatorum apostolorum Petri et Pauli decantatur Octavis: *Isti sunt duæ olivæ et candelabra lucentia ante Dominum*, tractatum tibi aliquem ad gratiam, beatis vero apostolis ad laudem, explicari postulasti, pro libito assignans materiam et explicans dicendi formam. Nam et hoc in prece complexus es, ne tuam scho-larium more propositionem sub brevitate constrin-gerem, sed, tanquam in domum meam sapientia declinaverit, juxta illud: *Sapiens in verbis producit se ipsum* (*Eccli. xx*); et illud: *Labia sapientis ornant scientiam* (*Prov. xv*), quod proposueras au-toritatibus cingerem, et id verbis et sententiis dilatando, non in expositionem solummodo, sed in tractatum extenderem. In quo animi insolentiam tui recte quis redargueret, si non omnia charitas

A excusaret. Sed amoris indubitanter experimentum reproto, quod tuum mihi desiderium confidenter exponis. Sitque tibi charitatis indicium quod cum in terra mentis mæ fames verbi prævaleat, panis tamen id modicum quod est penes me, tibi communi-carere non omitto. Et fuerat fortasse melius mihi pacem comparasse silentio, quam scribendo quid-piam multorum me judicio submisse. Sed tu te mihi monachum exhibe, et orando discrimen amove, in quod me jam diu continuatæ precia in-stantia pertraxisti.

Homilia 1.

Isti sunt duæ olivæ et candelabra, etc.

Homilia 2.

B Post vitæ paradisi oliva proxime speculanda occurrit, etc.

Homilia 3.

Olivæ in paradiſo plantatam sapientiam Dei esse, etc.

Homilia 4.

In paradiſo Dei nihil omnino pulchrum aut, etc.

Homilia 5.

Isti sunt duæ olivæ et candelabra, etc.

Homilia 6.

Sequitur ante Dominum lucentia, etc.

Homilia 7.

Sequitur ante Dominum quadam lucent, etc.

Homilia 8.

Habent potestatem claudere cœlum nubibus, etc.

Homilia 9.

Duae claves cœli sunt, quas ut nobis, etc.

ANNO DOMINI MCLXXXVI

ROBERTUS DE TORINNEIO

ABBAS S. MICHAELIS IN PERICULO MARIS

NOTITIA

(D. Ludovicus Conradus BETHMANN, Proleg. ad Sigeberatum. Vide *Patrologia* t. CLX initio)

Robertus, patria Normannus ex vico de Torinneio, anno 1128 S. Benedicti Regulam professus apud Beccum, an. 1149 ibi prior electus, vi Kal. Jun. 1154, ad abbatiā Montis S. Michaelis de Periculo Maris vocatus, quam summa cum laude gessit usque ad obitum viii Kal. Jun. 1186; vir generis nobilitate ex-

celens, *in rebus publicis non minus versatus quam in litteris.* regi atque regine multum commendatus (1), librorum inquisitor atque coacervator studiosissimus (2), doctrinæ gloria Normannorum sui seculi princeps. Historiam et aliis commendabat scribendam et ipse scriptis coluit; inter quæ primum locum tenet Chronicum Sigeberto additum. Cum enim patriam maxime historiam narrare vellet, ex more medie statim hanc ita universalis conjunxit, ut codicem ab episcopo Bellovacensi mutuatus, Eusebium, Hieronymum atque Prosperum inde describeret puros, in Sigeberto nil mutaret, nil omitteret, sed interponeret archiepiscopos Rothomagenses atque Anglorum Normannorunque historiam, omnia petita ex Annalibus Rothomagensibus, Beccensisibus atque Montis S. Michaelis, Guillemino Pictavensi, Guillemo Gemmeticensi, Henrico Huntingdonensi. Scripta Roberti haec sunt: *Historia Henrici I seu liber octavus Guillemi Gemmeticensis, inter a. 1135-1150.* — *Continuatio Sigeberti, incepit a. 1150.* — *Epistola ad Gervasium, inter a. 1150-1154, edita a Dachery, post Guiberti opp. p. 715.* — *De innundatione ordinis monachorum in Normannia, a. 1154, apud Dachery, p. 844.* — *Annales Montis S. Michaelis ab an. 1154 ad 1159 ipsius manu inserti chartulario monasterii, nunc in bibl. publ. Abrincensi, n. 80.* — *Prologus in Augustini Flori, apud Dachery, p. 716.* — *Prologus in Plinium ab ipso correctum, qui liber ante duo saecula ad San-Germanenses missus, nunc erit in bibliotheca regia Parisiensi.* — *Epistola ad abbatem Beccensem a. 1182, apud Bouquet, XVIII, 353.* — Quæ preter haec ei tribuntur, testimonii carent. Quid catalogus abbatum a. 1643 correctus, apud Dachery opp. Lanfranci p. 351 dicit: *Robertum 154 volumina edidisse atque turris sub ruinis et impluvio patruisse referit Historia S. Michaelis, in hoc errorem inesse appareat; libri isti 154 non sunt, quos ipse conscripsit, sed quos collegit.*

(1) Adeo ut eorum filiam Alienoram de fonte suscipieret a. 1161, et custodia Pontis-Ursonis inumeraretur a. 1162. Jam antea idem rex Heinricus II ad eum venerat in Montem a. 1156, et iterum cum Ludovico VII, bieocio post. Alexander quoque papa eum Turonos vocavit ad concilium a. 1163; quo finito, Robertus Romam profectus est, indeque redux, Angliam adiit. — *De vita Roberti cf. ipsum*

in Chronicō passim inde ab a. 1154; Labb. Bibl. ms. I, 348; Galliam Christ. XI, 520; unde sua haeserunt *Hist. litt.* XIV, 363; Bouq. XIII, præf, 30; Hirsch, p. 387. Quæ Fabricius dicit, fere omnia falsa sunt.

(2) Ut eum Heinricus Huntingdonensis vocat. Inter alia Plinium in Normanniam primus advexit

ROBERTI DE TORINNEIO

LIBER

DE GESTIS HENRICI I REGIS ANGLORUM.

(Est liber octavus Historie Wilhelmi Gemmeticensis. Vide Patrologia t. CLX, col. 879.)

ROBERTI DE TORINNEIO

CONTINUATIO SIGEBERTI.

(Vide Patrologia t. CLX, col. 423.)

ROBERTI EPISTOLA

AD GERVASIUM PRIOREM S. SERENICI.

(Opp. Guiberti Norig., p. 713.)

Charissimo in Christo fratri GERVASIO, priori S. Serenici, frater ROBERTUS ultimus monachorum Becci, salutem et obsequium.

Quoniam audio te a negotiis sæcularibus seriatum, et otio religioso occupatum, supplico dilectioni tue, quatenus ad ea quæ in Normannorum provincia evenerunt post excessum nobilissimi regis Anglorum, et ducis Normannorum Henrici,

A usque ad mortem illustris ducis Normannorum, et comitis Andegavensium Gausfridi describenda accingaris. Hoc enim ad augmentum famæ tue proficiet, et gratiosum me tibi, et remunerationis debitorem efficiet; et quod his omnibus majus est, novi ducis favorem non modicum forsitan acquireret. Si autem ad hoc opus manum misceris, volo ut hoc ordine illud exsequaris.